



UNIVERSITÄTS-
BIBLIOTHEK
PADERBORN

Nucleus Juris Canonici

Thenhaven, Bernhard

Coloniæ Agrippinæ, 1739

V. De Litis contestatione. D. 1. S. 2.

[urn:nbn:de:hbz:466:1-63382](#)

„det: Cùm in hoc casu Actoris & Rei ea-
 „dem sit conditio vel causa, & uno eo-
 „démque jure circa appellationis reme-
 „dium uti debeat uterque, appellationi
 „non esse deferendum; & quia expreſſe
 „habetur, quòd eodem jure quis utide-
 „beat, quod quis in alterum statuit, ideo
 „ſicut defiderat, ut ſibi juxta Rescriptum
 „justitia fiat app. rem. & ita debet & eadem
 „ratione ſe reconvenienti in ſua justitia re-
 „ſpondere. Ratio, quia in judiciis fervan-
 „da eft æqualitas, ut Actor & Reus non de-
 beant per imparia judicari; nec Actori
 licere debeat, quod Reo non eft licitum.

T I T U L U S V.

De Litis Contestatione.

LITIS CONTESTATIO (quæ dicitur basis
 & fundamentum judicii, ita ut eā
 omissā vitietur processus ordinarius, &
 ſententia fecuta fit nulla) eft judicii conſi-
 tutio coram Judice facta per petitionem
 Actoris & contradictionem Rei animo li-
 tigandi faltem exercitè declarato. Colligi-
 tur ex *C. un. in Decret. b. t.* ubi habetur:
 „Quamvis positiones & responses
 „hinc inde ſuper pluribus articulis facta
 „fuerint coram Judice, quia tamen litis
 „contestatio per hoc non eft facta, cum

„non per positiones & responsiones ad
„eas, sed per petitionem in jure propo-
„sitam & responsionem secutam conte-
„statio litis fiat, Processum Pontifex irri-
„tum duxit nuntiandum. Ratio, quia
positiones (quæ solent dici certi articuli)
continent solam & simplicem narratio-
nem facti ab Actore ad veritatem elicien-
dam conceptæ, super quibus is, ut lite
contestatâ ab onere probandi relevetur,
petit sibi responderi ab adversario, sunt
que vel positivæ, v.g. pono, *Quod Caius ac-
cepert mutuum, &c.* vel negativæ, v. g.
pono: *Quod Titius non habeat dispensa-
tionem super pluralitate beneficiorum &c.*
Non vero continent petitionem, adeo-
que Judex ex eis sententiam proferre ne-
quit, quia non petenti officium suum im-
partiri non potest. Deinde si Reus non
non contradicat, sed fateatur se debere,
quod petit Actor, nulla est litis contesta-
tio, (sed si tunc nolit satisfacere, non sen-
tentia, sed præcepto Judicis ad hoc cogen-
dus) uti nec si opponat exceptionem de-
clinatoriam fori, v. g. recusando Judicem
tanquam incompetenter aut suspectum,
quia per hoc non contradicit actioni
actoris. Imò si Reus opponat exceptio-
nem contra actionem Actoris à se con-
fessatam, v. g. dicendo: Centum quos
petis

petis ex causa mutui, accepi quidem, sed solvi, seu vicissim debes mihi ex alia causa v. g. empti tantundem, non fit litis contestatio, nisi actor solutionem vel reciprocum debitum negaverit; quo casu conventus Reus fit Actor, ipsique incumbit onus probandi suam exceptionem. Hoc Tit. statuitur:

2. C. 1. in 6. „Exceptio peremptoria „ante litis contestationem objecta, nisi de „re judicata, transacta seu finita excipiat „litigator, litis contestationem non im- „pedit. Et C. 2. Si oblato ab Actore libel- „lo, ex parte Rei exceptio peremptoria „proponatur, nequaquam per hoc litis „contestatio dicitur esse facta. Imò eā non „obstante, nisi sit de illis exceptionibus, „quæ litis contestationem impediunt, (quales sunt tres illæ ex C. præc. nempe transactio, lis finita, & res judicata) fieri „oportebit eandem. Ratio, quia per litis „contestationem ordinatur judicium; per „exceptionem peremptoriam destruitur, „adeoque lis primum contestatur, si Actor „contradicat exceptioni, v. g. factæ solu- „tionis, præscriptionis, &c. Vide infra Tit. 25.

3. Effectus litis contestatæ sunt 1. Ex parte Judicis perpetuatio jurisdictionis, ut sine nova Causa superveniente recusari

non

UT LITE NON CONTEST. NON PROC. AD TEST. &c. 191
non possit. 2. *Ex parte Actoris* perpetua-
tio Actionis, ut non possit invito Reo à lite
recedere, mutare libellum, v. g. petendo
rem penitus aliam à priùs petita, aut aliam
speciem actionis intentando. Quamvis
Actor tunc possit à prima instantia ex toto
recedere cum refusione sumptuum, quos
Reus fecit, & resarcitione damnorum,
quæ passus; & offerendo aptiorem libel-
lum novam prorsus litem intentare. 3. *Ex
parte Rei* interruptio præscriptionis, quia
tunc fictione juris possessor malæ fidei
constituitur, ut succumbens in possefforio
ad omnes fructus tempore litis perceptos
veniat condemnandus.

T I T U L U S VI.

*Ut lite non contestata non procedatur
ad Testium receptionem, vel ad sen-
tentiam definitivam.*

1. *Ratio Rubricæ* (quæ, cùm contineat
completum sensum, jus facit, & in
Causarum decisione pro lege allegari va-
let) est, quia tam testium examen, quod
est quasi litis ædificium, quàm sententiæ
prolatio fit causâ litis finiendæ, ideóque
oportet esse litis contestationem, quæ est
fundamentum judicij ordinarii, prius-
quam